

三原縣志卷之二十二

知縣事豐山張象魏編輯

藝文三 詩

白渠謠

漢時民

田于何所池陽谷口鄭國在前白渠起後舉鍤如雲決渠  
為雨涇水一石其泥數斗且溉且糞長我禾黍衣食京師  
億萬之口

答田游巖

唐 宋之問

家臨清谿水谿水遶盤石綠蘿四面垂裊裊百餘尺風泉  
度絲管苔蘚鋪茵蓆何當遂遠遊物外候通客

三原縣志

卷之二十二

藝文

一

塞上曲為李衛公伐突厥擒頡利斥地北至大漢作

李 白

大漢無中策匈奴犯渭橋五原秋草綠胡馬亦何驕命將  
征西極橫行陰山側燕支落漢家婦女無華色轉戰渡黃  
河休兵樂事多蕭條清萬里瀚海寂無波

高陵書情寄三原盧少府

按作誥撰應物傳云應物嘗為京兆功曹攝高陵令

韋應物

直方難為進守此微賤班開卷不及顧沉埋案牘間兵凶  
久相踐徭役豈能閑促戚下可哀寬政身致患日夕思自  
退出門望故山君心儻如此攜手相與還

春日郊居寄萬年吉少府中孚三原元少府偉夏侯

校書審

韋應物

谷鳥時一嘯田園春雨餘光風動林早高意照日初獨飲  
澗中水吟詠老氏書城闕應多事誰憶此間居

唐鏡歌鼓吹曲

十二篇錄五  
皆李衛公事

柳宗元

輔氏憑江淮竟東海命將平之為奔鯨沛第五

奔鯨沛蕩海垠吐霓翳日腥浮雲帝怒下顧哀墊昏授以  
神柄推元臣手援天矛截修鱗披攘蒙露開海門地平水  
靜浮天根羲和顯曜乘情氛赫炎溥暢融大鈞

右奔鯨沛十八句

三原縣志

卷之二十二

藝文

二

梁之餘保荆衡巴巫窮南越良將取之不以師為

苞枿第六

苞枿黜矣惟根之蟠彌巴蔽荆負南極以安曰我舊梁氏  
緝綏艱難江漢之阻都邑固以完聖人作神武用有臣勇  
智奮不以衆投跡死地謀猷蹤化敵為家慮則中浩浩海  
裔不威而同係累降王之厥功澶漫萬里宣唐風蠻彝九  
譯咸來從凱還金奏象形容震赫萬國罔不龔

右芭枿二十八句

突厥之大古戎狄莫強焉師大破之降其國告于

廟為鐵山碎第八

鐵山碎大漢舒二虜勁連穹廬背北海專坤隅歲來侵邊  
或傳于都天子命元帥奮其雄圖破之襄降魁渠竟窟宅  
斥余吾百蠻破胆邊氓蘇威輝武耀明鬼區利澤彌萬祀  
功不可踰官臣拜手惟帝之暮

右鐵山碎二十二句

李靖滅吐谷渾西海上為吐谷渾第十

吐谷渾盛強背西海以夸歲侵擾我疆退匿險且遐帝謂  
神武帥徃征靖皇家烈烈旆其旗熊虎離龍蛇王旅千萬  
人銜枚默無譁束刃踰山徼張翼縱漠沙一舉刈羶腥尸  
體積如蔘除惡務本根况敢遺萌芽洋洋西海水威命窮

三原縣志

卷之二十二

藝文

三

天涯係虜來王都犒樂窮休嘉登高望還師竟野如春華  
行者靡不歸親戚謹要遮凱旋獻清廟萬國思無邪

右吐谷渾二十六句

李靖滅高昌為高昌第十一

麴民雄西北別絕臣外區既恃遠且險縱傲不我虞烈烈  
王者師熊螭以為徒龍旂翻海浪驛騎馳坤賁育隅搏嬰  
兒一掃不復餘平沙際天極但見黃雲驅臣靖執長纓智  
勇伏囚拘文皇南面坐戎狄千群趨咸稱天子神往古不  
得俱獻號天可汗以覆我國都兵戍不交害各保性與軀

右高昌二十二句

三原李氏園晏集

張籍

莫春天早熱邑居苦囂煩言從君子樂樂彼李氏園中  
有草堂池引涇水泉開戶西北望遠見嵯峨山借問主人  
翁北州佐戎軒僕夫守舊宅為客施榻筵高壤有餘滋竹  
樹芳且鮮傾我所恃觴盡日共留連踈狂不偶俗常喜形  
體閒况來幽棲地不重笑言

貽池陽谷口元贊善

李端

入谷逢君來秋泉已難涉林間人獨坐月下山相接重露  
濕蒼苔明灯照黃葉故交一不見素髮何稠疊

送王尚喆三原尉

宗歐陽修

三原縣志 卷之二十二 藝文

四

初仕便西轅驪駒兩佩環山河識天府風雨度函關桑柘  
千疇富人烟萬井閑欲為京洛泳應苦簿書間

贈郝新齋先生

元曹文貞

繡斧澄清古范滂賜環三載鎮文昌稱停政事權衡穩潤  
飾詩書意味長輔世昔聞心匪石憂民今見鬢成霜何時  
不踏紅塵路閑侍新齋几硯旁

送張御史之南臺

陳眾仲 供奉

關中鳴道張夫子今見文孫玉立標白簡秋霜清瘴海繡  
衣春日拂雲霄何人江浦歌桃葉有客都門折柳條我欲  
買舟尋太白鳳臺晚吹涼蕭蕭

送張克禮揚州憲史

賈靜菴

凜凜江都憲堂堂得子賢戰坊誰謂虎嚇鼠共嗤鳶慘淡  
雲連水繽紛雪滿天遠行須自邇畫錦看他年

龍陽宮留題

無名氏

門前冶谷東南水屋上嵯峨西北山山色谿聲兩忘處  
然真境隔塵寰

西園艸堂

明 劉 鉉 姑蘇

隴頭朝饁罷開展考槃歌烟火孤村迥園林百畝多徵租  
無吏到看竹有人過錫福能容老何妨兩髻皤

寄三原王冢宰

沈 周 石田

三原縣志 卷之二十二 藝文

五

玉帶朱衣鶴髮朝夕陽林下寄長生秋涼春暖筋骸健雨  
後晨初意思清蔭樹一編依卧鹿傍三酌趣啼花鶯功名  
成遂真豪傑更自逍遙享太平

弔李衛公

王 恕

翊運成功屢出奇文韜武略荷君知故鄉居第今何在獨  
有行人看古碑

按端毅詩有極佳者王阮亭池北隅談日公撫三吳時  
題一寺碑絕句云彩鷁西飛日未斜江邨兩岸有人家  
吉祥寺裡梅千樹不到春來不著花亦宋文貞梅花賦  
之比

宏道書院示從遊

王承裕

緬懷老尼父不厭亦不倦七十二弟子歷歷稱儒彥嗟予  
何人斯野樸不自緣聖賢邈三載有時羨墻見一旦聞鶴  
鳴松雲忘眷戀方擬賦歸與倏忽更事變昔日二三子健  
翮趨風便天空信寥廓飛翔殆未徧我来重考經兀兀坐  
書院疑難塞膺胷反袂漫拭面豈能開來學不過同几案  
萬物人為貴年光擲流電功欲成千倍行期經百練古來  
惟德馨行潦亦可薦莫行中行難誰復為狂狷春風感興  
長聊示爾變變

谿田寄書答之以詩

張原

三原縣志

卷之二十二

藝文

六

廿載鷄壇結素盟可憐獨作夜郎行江花萬里詩人興萍  
梗三年宦海情艸艸長林蝴蝶夢空山落日杜鵑聲双鱼  
獨荷殷勤意又向烟荒寄姓名

夢伯循二首

張原

凍雨寒齋睡正濃可人夢裡喜相逢匆匆未盡生離意恨  
煎前山半夜鐘  
江雲烟樹有餘思萬里心知恨別離旅館愁懷何處切夢  
回梁月正明時

寄谿田

張原

離別茫茫兩度秋西風誰解客迹愁相思萬里情何限鄉

雁來時月照樓

題松筠園寄跡二首

梁應基 舉人

諫獵書初上批麟願已違  
辭榮入梓里避俗掩柴扉  
芳樹浮春靄青山落晚暉  
徘徊時倚杖蒼翠欲生衣

秋日與管大夫鳳儀遊城南名醫廟作

馬理

曉出城南門迤西瞻神廟  
神廟號名醫繪塑容儀肖  
上有嘗艸圖下有雷針爚  
風生庠守林雲擁龍卽剽  
庭深古木陰根出虫蚁竅  
病夫紛往來懽貧祈神療  
祠多鳥易馴踵接曾難紹  
或夕夢湯葯朝走忽輕僿  
西郭管鳳儀為我述

三原縣志

卷之二十二

藝文

七

其要嗟今黎庶疋所在足恤  
吊深懷聖主憂未獲十全料  
愚亦沉疴人環視空長嘯  
安得諸名醫夜示神方妙  
奄收萱艸功坐見哄堂咲

題玉坡詩夢

馬理

子年腊月雪晴初窻曉  
鵲雙傳遠書開門童子持  
函至久別故人忽對予  
為說相思更陳夢病夫那  
禁泪盈袂故人逐客張子  
原往年司諫居黃門補袞  
欲肩山甫立致君恥讓堯  
舜昆一封朝夕社稷計萬  
里夕博炎荒奔奔為小吏  
貴州驛貴州地瘴能毒客  
十旬九旬常逢雨青天夜  
屋還淋瀝猪矢蠻甘羊犬  
食賣爺苗戀戈兵席早晚  
于門誰親

故目下燈前影相惜生還我代張子愁張子卻視生如浮  
蠻飯飽喫酒仍醉醉和陶詩忘冬秋諸夷聞名學徒至春  
風層擁日絃謳君子素位良自得是處即安何怨尤人顧  
弗堪為爾恫神亦時唁冲漠中玉坡仙詩豈魘語我思古  
人原爾同君不見邑吾自古多英雄先朝挺出石渠翁石  
渠翁沒青史在君將先後垂聲鴻又不見爾祖純孝鄉閭  
羨共說王祥今再見爾爺繼述濟時出異政合同劉昆傳  
忠臣古求孝子門况復詩禮朝夕練憶昔同庚同投師竊  
看君狀獨英姿君才十五詩賦邃草書已逼張旻奇君時  
睨世眼孔濶狂迂浪許中訝疵謂君即當文名世乃又忠

三原縣志

卷之二十二

藝文

八

節膺如斯半載食祿三載謫寸心愧否神應知吾皇展矣  
大成德十年不侵百官職初時政權逆瑾弄諫臣言出禍  
叵測望之因隙主那料王章緣劾上豈億負而且乘彼弗  
戒庚午之歲罪人得從此天日浮雲捲言官往往獲輕選  
選者卻令冢宰進時清緝熙高皇典勸君急好囊琴書赴  
召還隨龍鳳輦

王公壽詞三章

北地

李夢陽

空同

軒冕兮巍我公之進兮群龍委蛇公今何所兮南山岿  
誰與公兮逍遙

南山何有兮其雲油油出覆四海兮歸抱一邱公朝攀兮

莫與游徜徉宇內兮復安求

綠桂兮丹阿公遊兮醉歌幅巾兮鷺羽婆娑兮公舞壽且  
康兮慰我民望兮

寄伯循

武功  
康海  
德涵

近聞開講席緜叢授諸生古道慚章句時聞何重輕致知  
原有法格物本研精今日章縫士勞勞惟釀名

三原拜馬處士丈

康海

門前翠竹上千霄院內青松色未彫種樹年年收棗栗看  
山日日伴漁樵明時不作河陽尉樂歲聊為汜上謠鶴髮  
青藜真自得瞻依寧惜馬啼遙

三原縣志

卷之二十二

藝文

九

三原道中望秦世觀莊

康海

霏霏雨沾蓋望望暮臨河邨落行將徧牛羊下已多素雲  
低漢樹彩鷁泛涇波卻憶秦師道前年送我過

寄張士元

康海

黃金臺上雲依依黃金臺下水瀾瀾臣今萬里去辛苦安  
可辭但願陛下壽萬歲使臣萬里無遺思祖宗洪業際天  
地尺地皆土人咸臣之斬刈流徒惟上所為遐方炎炎有  
肉不可食有酒不可卮況臣侍從邇天墀心之徬徨豈在  
此惟願陛下有長期神聖古帝少臣心陛下不為遐方老

給事中張士元謫貴州驛丞夢神語之詩聊紀其事

鄂邑

王九思 漢陂

張君憂國如賈生感激獨坐泪雙橫朝持諫書奏天子要  
使四海之內一時歌太平諫書滔滔太切直天子覽之勃  
然變乎色烈風震電不可已夕貶瘴鄉萬里餘明日稽首  
辭闕庭西風洒泪何瀾瀾臣去一何輕臣身未足惜只恐  
反覆間周行生杞棘瘴鄉到日如中國扶持盡賴神明力  
遙向滇南望北辰不見長安還下泣夜窻隱几愁多夢耳  
畔新詩誰朗誦孤臣一日腸九迴獨有神明為爾痛孤臣  
舊是玉坡仙青雲伫看来翩翩天子見之為歡顏泪痕拂  
拭衣袖乾

三原縣志

卷之二十二

藝文

十

贈秦封君歌

李夢陽

秦司蒼昔仕淮安之海州倉中豆穀無秕朽抱關擊柝古  
不辱大纛高牙我何有解組歸來頭尚黑年年耕鉤峩山  
口君昔在京師故人逢一妻一女同一裙君令室人解裙  
遺室人之心先得君君昔在江西故人卒負骸旋喪行且  
哭威寧老臣求姓名使人問君君不告正陽舟中有貧士  
君召同眠食同簋後來邂逅那得知誓死酬君誨君子君  
之子翻飛上青雲一朝馳傳過閭里故山花木生餘芬他  
時移勅還移誥要識封君是隱君

題宏道書院

信陽

何景明 大復

梁棟起層雲松筠散夕曛九竅瞻太華清渭接河汾冠蓋  
時時集絃歌夜夜聞登堂持節印衰薄愧斯文時為提學

過馬谿田邨居

何景明

宛宛清河曲團團翠竹村卧龍元勝地容駟已高門野曠  
嵯峨出天寒雲霧屯何時還過訪無限欲相論

商州訪馬谿田

時歸隱商山書院

耀州喬世寧提學

避誼辭渭曲卜隱商山黃綺今仍見紫芝能駐顏行藏舟  
不繫冲舉鳳難攀為问艸元室何人數往還

三原縣八景

淮安金銑廣信知府

神龍潛處水雲潭腥上長橋誰作成日落鄰鄰金柱動霞飛

三原縣志

卷之二十二 藝文

十一

闪闪玉虹明濟川只訝雲中度乘月還疑鏡裏行獨怪尋  
詩歸去黑馬頭燐燐樹霓旌龍橋飛虹

縣城直北是浮山山色空濛夕照间背日翩翩双鳥度穿  
林默默一僧還烟橫半嶺為蘭若雲破重巖見菊斑待我  
粗酬明主後拂衣歸去且投閒浮山晚照

天齊迢遞入雲中中有靈湫湛碧空一鏡冷涵高葉靜層  
波輕漾落花紅祠供祀事千秋在澤及農家百世同故老  
相傳是龍窟龍歸長是雨濛濛天齊靈湫

縱日雲泉雲正生鸞翔鳳翥應文明浮空雨濛濛濕作出  
岫隨風片片輕聚散經年流玉葉賡歌此日振金聲何人

乞我詞林筆一為清朝頌太平

神泉祥雲

浮陽百丈古靈湫常有晴霞在上頭一縷遠隨孤鷺去九  
華細遂五龍遊龍光秦苑花枝曉粧點唐陵樹色秋臨眺

只疑朝覲處早霞流光護珠旒

五龍霞光

乘興聊從大化遊山中佳致勝瀛洲秋琴隔座彈成調仙  
樂通霄響未休一部風泉翻古雅數聲鳥哢答深幽感人  
不異聞韶樂豈惜軺車半日留

大化仙樂

一派清流自華原六渠分堰灌畚田霏霏入夏涼生雨漠  
漠迎曛淡抹煙騷客品題成故事農家歌舞卜豐年相看

忽動滄洲興欲傍蘆花著鈎船

清谷烟雨

### 三原縣志

#### 卷之二十二

藝文

#### 十二

邑中古刹更無倫物換星移幾百春晃日龍官金錯落撐  
空寶塔碧嶙峋數間禪屋松全掩一片殘碑艸半埋莫怪  
登臨不歸去獨憐金粟是前身

金輪古寺

送高可愚邑侯被誣歸

來儼然 兵部郎

離懷何處最依依棠樾濃繁蔭翠微正使情多浮白數忍  
看春盡落紅稀人間今古元翻覆君去分明有是非須信  
秋毫終帝力未應長戀釣魚矶

谷中橋成志喜

温純

懸空飛渡俯清流為依慈航在上頭題柱不勞歌蜀道吹  
笙似已到揚州綠虹斜向雙龍桂紫氣高連二華浮欲濟

巨川思大楫應知明主夢相求

題新築尊經閣成

溫純

泮宮高閣切雲成藜杖將分太乙精滿架縹緗過二酉當  
簷奎壁引長庚筆從眾巘齊冲斗帶合雙流兩抱城柱史  
神君收地脉重看文獻在西京

馬光祿墓下作

三水 文翔鳳 太青

恭瞻光祿墓快誦中郎碑哲匠深泉路名鑄照色絲遺壘  
今兔窟老樹尚風枝因記求光訓潛然濯兩頤 墓堂曰光訓

詠端毅王公

太倉 王世貞 元美

昔在成化朝群小為蠱惑貢橐雜苞苴中使日絡繹三原

三原縣志

卷之二十二

藝文

十三

撫爰徼抗章奪豎魄及乎鑰留畿十䟽表忠直天聽時一  
迴國論若有植白簡入朝門傾朝為動色拂衣南山陞過  
者必垂式孝皇嗣龍飛元纁慰耆德既專銓衡寄復叅坐  
論席警欬若一身讒來微扞格高空揭太華狂瀾迴碣石  
何以昭令終上公特殊錫

橋成次温景文先生韻

太倉 王世懋 敬美

雄虹斜倚法雲流卓錫龍飛傍水頭勢駕鼉鼉通漢渚影  
填烏鵲到秦州津梁金繩度佛子鞭石仙人玉島浮共賴  
濟川才力大題柱敢云事堪求

題谷中橋成

華州 東蔭商 雲雛

兩城夾水浪翻空架漢為梁結構雄鞭石借來天地力運  
斤幻出鬼神工雕欄宛轉澄潭底華表崔巍杳靄中新漲  
千溪流片月晴霄萬里落飛虹環橋歲歲桃花雨對岸家  
家柳葉風一葦休誇河易渡雙星不恨路難通長卿駟馬  
名堪借子美寒裳句未同經紀者誰溫太保古今應紀濟  
川功

中爍日同社友釀飲石九鼎館晚移席龍橋翫月

來復

橋喧新漲瀑月肅正圓爍桂影香尊滿蟬輝伎席留迎歌  
札谷響遲晚子城遊歡夕臨天鏡衰顏不上愁

三原縣志

卷之二十二

藝文

十四

楊杜田居

胡廷器

山色足我目水聲盈我耳陰晴變幻中顧陸豈絕技皴法  
與波紋極力不得似畦田踈籬外丹楓灌木裏鶯鷺飛鳥  
鳴旋向邱隅上點綴趣無窮怡悅惟山水

榮華不可期貧賤世所鄙沮溺良宜耦荷條乃知己人生  
鮮百年歲月信云缺鬢髮白鬢鬢蕭蕭空蓬累舊交遠別  
離新穀脫糠粃朝夕望田疇兒女命相倚邵平種瓜人東  
陵競豪侈富貴如浮雲運命環泰否逖稽已往人重冥誰  
復起

晨起炊藜羹曰高尚掩扉顧盼何貧窶垣頽山四闡山圍

疊重嶺朝暎多光暉牧童登其巔草茂羊澤肥靜聽耳無  
喧天高群雁飛悠悠歲已邁跌坐披牛衣  
撫撫河曠田汨汨水長流惻惕多滄桑追呼歲不休鬻發  
風太勁葉落始知秋無以克倉箱伊威空自投摘果向西  
園拔葵步南疇相對惟木石鹿逐亦時遊平生愛邱壑怡  
情消百憂

牧秫不學釀經句難得酒何以解鬱懷杖藜行壟畝穉穗  
遺田間畦傍多狼莠採將詎貧人聊以舂我臼舂白日已  
夕明月照南牖蕭索風颯颯衰艸萎陵阜顧影自徘徊入  
城晤良友晤友道辛苦殷勤酌大斗

三原縣志

卷之二十二

藝文

十五

自嘆

馬氏

女 谿田

寒暑推移物變遷光陰倏忽換流年難停烏兔東西轉久  
識葵茹歲月緣對鑑窺形只自嘆蒼顏皓首有誰憐解來  
隙駒看今昔都作黃梁夢裏天

憂子遠行

馬氏

歲逢戊子大春寒作客真憐行路難暮雨愁添重渡水曉  
風吹過萬盤山塞南塞北心無限春去春來夢已殘傳道  
邊庭烽火急好尋歸計理征鞍

王端毅公祠

本朝栢卿

魏裔介

大學士

太師端毅王公祠在三原額曰彰德載在祀典垂二百

餘年今戶部尚書諱宏祚其六世孫也追維前烈愾然  
霜露載芘新材式還舊觀裔介雖未獲駿奔祠下而顯  
聞盛美竊載拜稽首而系之以詩

閔閱瑯琊盛山川華嶽標偉人欣輩出駿烈翊先朝勲業  
三楊並儀型百代昭澄清金鏡湛獻納玉衡調正氣參元  
化餘威格有苗洞蠻傳繪像吳楚遍歌謠賜杖恩方渥懸  
車德益劭上尊宣內勅祖帳動群僚綉綽驚看數梗楠豈  
易撓潞公鶴髮秀令子鳳毛超孝廟垂裳久康僖秉軸遙  
名齊楊伯起度越李文饒畢命仍居洛臯謨獨佐堯家聲  
山共斗經術梓同喬祠宇宸章煥裳衣袞繡飄邦人嚴伏

三原縣志

卷之二十二

藝文

十六

臘牧豎戒薪樵籩豆形逾古春爍杏不桃桑田戎馬後柏  
寢畫重凋榱桷霜中圮松山雨半搖文孫工學冶天路坐  
鳴鑣共羨層城鳳重光六葉貂持籌咨會計曳履聽簫韶  
魏笏藏新筍王槐發遠條掃除因邑宰輪奐及齋寮壯觀  
歌丹獲豐碑倚絳宵曾元森在頌<sup>列</sup>白醉相邀遺澤畱冠劍  
明馨有桂椒送尸風謾謾薦壁露蕭蕭傳說星猶燦巫咸  
賦可昭寄言憑軾者佳氣正岿峩

清峪口看杏花歌

義烏 駱復旦 邑令

永和三日大會來山陰千祀生莓苔長天大地靡日月誰  
復勝地相徘徊堯夫先生

梁君陽封君書  
舍自署安樂窩

越方格躬耕谷

口把周易元方梁子愷校勘季拾遺梁仲琳阿咸梁木天

更進金閨籍散髮酣歌汗漫遊顧謂使君中散儔大呼仲

客集賓客風期豁達誠難仇焦穫之東涇水北杏花灼灼

被山麓嵯峨集雪屏障寒大觥小竿紛追逐坐中何人稱

最豪用里先生張儀昭眉髮高王郎金鉉石郎仲昭並奇

士衙官屈宋羞劉曹已聞白也詩無敵李愚停觴載奏

飛卿曲溫與亨溫公虞白携妓燕東山王問有趙仲長結

客酣薛醪薛卿國華拔劍手數扞蕭王景臯洛社並稱尊

劉宴轉運馬尊德成陳迹趙生元深新論驚心魂同時更

有杜陵人桓粲行歌落魄無等倫中眼四時胸五嶽手握

三原縣志 卷之二十二 藝文 十七

巨斧開青旻三原護軍行太息高歌雅唱傾今昔潦倒追

隨事勝遊遠風瀾漫文青陌清峪之水流湯湯大提無歲

無奔忙山川那能長不改蘭亭修禊事今輝光酒酣秉燭

呼歸去飛花點點侵行馭郎官此地夜曾來外史千載應

知處

別三原 駱復旦

四年作宰漫相羈秋老言歸泪拂衣親病已驚扶旅襯君

思猶許傍漁磯鑑湖露白千家曉清峪花寒一雁飛此去

故園荒徑在加餐相訊莫相違

三原人日 番禺 釋今種 一靈

春水流漸滿雙渠接瓠中橋橫清峪澗城倚仲山雄遊女  
驕人日新粧儼漢宮藏梅猶凍雪著柳已光風

三原題杜子艸堂

釋今種

從君來谷口日夕賦閒居傍池陽藪田門臨鄭國渠峰高  
先積雪花落細沾書太華勞相導遊仙駕鹿車

杏灣

釋今種

慈峨水落滿雙溪文杏花開二月齊無限 顏隨馬足雨  
來俱作錦障泥

甲申秋感八首

溫自知 與亨

邱壑栖遲歲已深鬢毛無那百憂侵青尊潦倒餘孤劍黃

三原縣志

卷之二十二

藝文

十八

菊繽紛感寸心日月蒼茫迷五色風烟蕭索變層雲幾回  
惆悵年來事淒斷高城此夜砧

苑西陂水接瑤池百尺樓臺俯碧漪錦纜雙維龍鳳舸雕  
楹深鎖松栢枝黃塵風靜周幾甸紫塞雲屯漢帟貌綺榭  
迴郎花爛熳一經風雨歎離披

白楊瑟瑟見佳城門對終南眼倍明上郡榆谿多壘戰墓  
田西畝輟農耕蓼莪廢去空成夢棠棣思來亦愴情罔極  
恩深鴿誼重松關一望泪縱橫

萬里風烟繞塞垣從軍西北望中原浮雲曾走陳琳檄明  
月叨陪庾亮尊多病 知生事憾懶時不復壯心存武陵

一去無消息哀些誰招楚澤魂

武陵謂總督楊公鶴

漫漶猶存袖裏書何須彈鋏歎無魚籬邊掃葉供寒竈溪  
上編茅葺敝廬不見桑麻深雨露但聞芻餉括邨墟可堪  
十載多烽火王粲誰鄰未定居

雨餘風細絕纖塵錦樹滄波二曲新塘石山中躡謝履柴  
桑籬下漉陶巾邊關戰馬今愈急海宇蒼生日轉貧世故  
莫談心自遠清溪垂釣任吾真

銅龍初日照蓬萊雉尾分行御幄開碣石浮雲從海斷雪  
山晴色過關來塵消紫極香凝座雨濕金莖露滿盃三匝  
上林無棲處半生清夢繞燕臺

### 三原縣志

#### 卷之二十二

藝文

#### 十九

落木蕭蕭不可聞千林烽火此平分故交顏色看明月  
客心情在白雲旅鴈驚秋乘朔氣寒蟬裂帛向斜曛漢宮  
故礎今猶在禾黍離離散馬群

#### 房貞靖祠堂雙白松

秦州

鄧漢儀

鴻博

狂烽一夕來陝東黃巢突據咸陽宮忙捉衣冠供偽職酷  
烈如在湯火中薦紳罕守冰霜節名士爭誇翊戴功樞部  
房公聲嶽嶽賊欲羅情真濃詎知公也心若鉄肯將勁  
草隨爍蓬垢面赤腳衣袖裂竟日奔走荆榛叢食絕泪枯  
皮月尽誓將一死酬蒼穹令子裹尸夜半葬鄉人夢紙青  
山經议謚议祠议碑碣三秦人物茲孤忠祠前何物堪偃

蓋鄰邑遠移雙白松白松秦地在難活土氣高亢鮮冲融  
廿年霜摧塵務滿轉訝體勢彌從寵如雪如玉如鶴鷺枝  
幹蚴蟉顏菁葱渾疑密縣之所植黃帝三女遺跡同颯然  
青天雜雷雨或若幽澗鳴絲桐崢嶸蕭瑟不可狀髣髴神  
鬼憑高空應是我公浩然之正氣鬱結艸木凝清風武侯  
之栢蔡公竹繇來格感非虛名使公尋常作仕宦松亦化  
作柳與楓安能森然若褒鄂之羽箭良相之冠珮千載而  
相從長公燕邸苦相憶亟呼韋偃圖雙龍并索詩賦與叙  
記擬傳勝事於無窮我為作歌志景企何時遊秦拜公之  
祠兼拜松

三原縣志

卷之二十二

藝文

二十

題孫豹人小像

新城 王士正 阮亭

絕澗長松不世情科頭箕踞一先生胸中硯礪無人語落  
落琴聲大蟹行

贈 睭烺

鴻博 孫枝蔚 豹人

曾讀新詩老更清鳳凰池上別關情偏吟報國古松樹未  
忘 南舊弟兄來往酒人能擊筑留連歌妓善彈箏退朝  
歸院真瀟洒并馬何時華岳行

甲申書日記事

孫枝蔚

催鉤終朝聞叫呼春來牛力困長途樓中身化望夫石獄  
裏聲如啼長烏盜賊翻能除蠹吏公卿枉自學財奴可憐

金盡生同盡纔羨筆飄陋巷儒

自註云一時縉紳困賊索餉猝辦不及多死獄中

群公薦表濫及野老姓名將修辭啟先成四首

孫枝蔚

浪得聲名悔已遲如今檄恐北<sup>山</sup>○移自經亂後無恒產誤  
喜朝中有故知魏野堪思看舞鶴莊周只顧作生龜忽蒙  
匠石頻相顧櫟社神應替我悲

書齋獨坐意悽悽每見前賢思與齊郭瑀藏身甘蕘谷摯  
恂辭聘重關西青虫易觸紅蛛網珠樹常留海鶴棲因識  
安危皆自取懶修書札謝提携

百歲風狂實可驚眼昏頭白骨崢嶸縱曾在位冠須挂豈

三原縣志

卷之二十二

藝文

二十一

合辭山網更搜文學何勞稱一鶚許由長使憶三生魯郊  
金奏雖堪悅誰識當時海鳥情

羈棲我自愛蕪城懶散誰能向帝京江上豈無蝸殼舍舟  
中亦有縈裙羹回頭詩酒多年歲放腳湖山忘路程辭聘  
心腸何所似髑體曠蹙為聞生

耦園諸子亨同與訪蓮

韓 詩 睂秋

圖畫人間少丹青此地長黃鸝啼灌莽白石映池塘枯樹  
誰來賦荷花依舊仙翁冠好玉詞客弄流觴風曳蟬聲聲  
靜萍浮魚腦凉水觀迷竹島露合趨蓮房伐木情偏劇尋  
山事亦茫笙歌悲日夕雲漢惘憂皇魚藻憐文漪蜻蜓集

野航卷舒齊碧沼根蒂本清商採葉堪為酒茹心可當糧  
艸深綠曲折香細忍顛狂公子冰桃面佳人雪藕腸榮華  
堪木槿聚散等朝陽寧學無生術休嗤辟穀方昔賢畱氣  
象吾道倚冠裳墮井無朱實崇臺望白洋譚公英俊在還  
此足徜徉

與亨齋前洗桐

韓詩

幽人經濟本園林鑿井攜童出樹陰豈謂晚涼方入席坐  
時清韻已飛襟暑威忽爾思秋雨酒態從教慰綠琴唯有  
主人能好潔日除千徧不為淫

贈劉學海先生徵君

涇陽 韓望  
部 戶郎

三原縣志

卷之二十二

藝文

二十二

所古高前古封章自曲臺始知明主意終用出人才省印  
尋僧鎖書樓領鶴開南山有有舊友時向白雲來

春日西郊雅集次張壺山韻

劉蒞  
學海

勝流稷飲在郊西衝馬應憐錦障泥約得詩人睽白社携  
來茶具坐前谿柳餘麴色絲絲挂花映嵐光樹樹迷寄語  
三農欣有望如膏春雨漲新犁

雪殘徑不辨東西乘興那嫌屐泥艸淺艸深凝宿露花開  
花落傍流谿羣松結幄禽留語乱石迎泉路欲迷擊鉢吟  
成香滿頰坐看新雨荷耕犁

勝日尋芳馬首西 成拚飲醉如泥高才逸韻鏗金石老

樹著花傍澗谿軟綠輕寒吟思苦夕陽新月晚烟迷何時  
并坐春風裏一卷黃庭一把犁

約壺山北郊看梨

劉蒨

擬賒隣店新菊酒坐向芳郊細論詩幾日東風偏著哀意  
家蓓蕾欲開時

微陰淡照雨兼晴闲步幽林白恰輕玉樹一園芳艸合捲  
簾畫裏看雲生

梨花轉眼已暄妍淡淡和風未熟天際此年光肯辜負淺  
黃艸履踏晴烟

題岳匡六楊杜山房

楊爾恪

三原縣志

卷之二十二

藝文

二十三

雲居林麓愛幽深沈寂荒亭敞素襟對面蒼厓收暮色繞  
闌流水散清音綠羅挽袖遲遲去青嶂和烟漸漸忱惆悵  
夕陽留不得茅庵桑圃繫人心

楊杜禪室

楊爾恪

遠郭參差石磴危幽閒恰與棲禪宜春寒不捲梅花帳壓  
屋白雲眠未知

答杜蒼舒

富平 李因篤 鴻博

河澣風高阻釣綸隔年書挖悵離津長教五岳留羈旅偶  
得雙魚報故人蕙艸未寒焦穫月桃花空劇杜陵春幾時  
却逐青驄去尊酒狂歌託後塵

梁木天補安肅奉柬

李因篤

自關中臺路誰高左掖名時方勤茂宰地復邇神京旆轉  
雲霄合風驅駟職輕 要皇甫去郊郭問新耕  
下馬長林霽開罇落日斜裝 連暮雪到及種春花易水  
清無滓郎山燦若霞北征久顛賴天際望仙楂

早爍懷孫豹人

安肅梁 舟 木天

溉堂居士字豹人高卧淮南二十春 頭落華舞蛟蜃澤  
畔行吟泣鬼神蕭然四壁家何有天地不佞飽一叟逢場  
但醉酒千杯遺興還餘萬首詞詩賦從來貧益工青蓮顛  
賴少陵窮光燄萬丈寒星月懷抱心期此老同淮南風俗

三原縣志

卷之二十二

藝文

二十四

尚塩子此老吞聲住鹽市得錢買魚對妻孥研鱠擣壘樂  
未已婆娑霜雪鬢毛寒長缺年來不可彈去秦錯認揚州  
路桃花誤作繁源看余昔分符領 都過從常經此老壚  
白雪陽春相歡飲謂余曠世高陽徒生平意氣為君倍况  
復文章驚海內內子雜佩出閨中贈余名言銘珮余世路  
茫茫萬仞山行行虎豹踞前關九重咫尺仍千里叫閭倏  
忽落人間去年分守平山側江水迢遶照胸臆相思日夜  
向東傾玉案青罇悵何極田園將蕪尚可耕 老長忘鄭  
谷情想見歸懷應慘愴艸堂風雨百慮生屋梁新月照  
捷秋露盈盈動落葉將心分付雁足來或寄江魚緘尺牒

池陽道中

楚人  
曹邦俊

廛邨稠疊盡春城  
簇簇烟花冉冉迎  
匝鎮翠樓牽碧樹  
交衢寶馬錯香纓  
橋穿尹吉佳人袖  
市列陵陽壯士箏  
暖日垂鞭行欲駐  
酒旗夾道直搖情

池陽即日

淝水  
許蓀荃  
提學

天澗供晴望  
鄆原高入雲  
兩城相對峙  
一水自中分  
山樹皆煠色  
人家半夕曛  
何當田萬頃  
今古足耕耘

中炆三原考院對月

許蓀荃

微風拂桂叢  
滿院馨香發  
昨夜逢疎雨  
輕塵坐銷歇  
山川變素景  
時序生華髮  
天濶鴈聲遲  
窗長虫响聒  
無事且啣

三原縣志

卷之二十二  
藝文

二十五

杯空亭看明月

原邑素貴牡丹有一金易一本者感賦

劉紹錡

鄭衛風詩已煽淫  
艸木流穢生洛陽  
唐宮移入妃子笑  
嶮巖蜀道奔三郎  
亦如阿糜恣歡樂  
天以瓊蕊徵妖祥  
後來戎葵角多少  
散播萬本方繁昌  
朱門購植築華館  
疊石高下環雕廊  
竊春偷暖爛熳拆  
綵旂繡幄誇濃粧  
笙歌鼎沸喧俗耳  
酒肉狼籍充肥腸  
豪奢能幾花易主  
非惟誤國家亦亡韓  
宏邸第命劊去所以不效  
兒女狂昌黎學道賤幼術  
瓣鐫詩句誠荒唐  
更聞白傅妖語春街笑  
殺奔車忙

世人愛此空有眼浪奉稱號何煌煌淺根柔幹極細小  
麤花大徒敷張遠觀似艷苦無韻近臭有氣非真香濂溪  
賢人子周子以蓮為說惜未詳吾生寒儉壓華 欲著花  
史閑評量孤山梅妻林處士東籬菊友陶柴桑細別真脆  
分雅俗此種不復煩遮藏舉肥相者應怒我一株方擲千  
金裝

吳士安評雖殺風景時  
論自正筆力亦復矯健

秋日楊杜

劉紹錡

稻熟分先後平疇穫漸稀白花蕎麥小黃葉芋魁肥窄窄  
山為徑斜斜竹作扉雲莊高卧穩倦鳥暮思歸

楊杜晚眺

劉紹錡

三原縣志

卷之二十二

藝文

二十六

山閣蕭森晚吹涼秋色野原迴蒼蒼白雲嶺欲邀歸鳥黃  
葉村宜受夕陽衲子閉門孤寺靜漁翁繫纜一庭荒閑心  
判斷居人業飲犢呼鷄味亦長

橫水卽事

劉紹錡

野鳧雙立葦汀烟依約 南五月天記得短篙撐艇子蘋  
花香處枕蓬眠

画荷贈九畹

流寓

金 啟

奕山

画荷懶勾筋画花壓設色不寫蓮之姿只得蓮之質姿也  
似美人質 比君子聊一贈先生一幅濂溪水

過楊杜村

金 啟

蘋風蘆雨滿秋塘落尽 衣露翠房此景年来無我分閒  
鷗野鴨自為鄉

春日城北看杏花

張 郊 東野

春來嬾漫不堪愁画扇輕衫作冶遊今日相隨城北去杏  
花深處恣淹留

千里平隄潤碧鮮野花乱簇小金鈿麴塵風軟晴空淨看  
趁游絲放紙鳶

長塍凹凸短塍橫仙竇花源不世情他日葺茆成小隱杏  
花細雨看春畊

薄后祠邊古道斜幾行官御噪神鷗香風飄颭雲階冷只

三原縣志

卷之二十二

藝文

二十七

有遊人吊落花

薄太后祠  
在吳家道

光祿墳前棘作圓行人肅拜仰芳徽傷心左順門前事南  
望榛蕪憶繡衣

張玉坡墓在  
馬光祿墳南

春郊載酒最相宜撲面輕風鬪髻絲柳外停驂花外醉問  
人何似習家池

林峰寺

東門  
外

李 瑛 石臺

竹院沉烟光花宮閉苔色人玄長為別僧易不相識惆悵  
依山門夕見終南 終南彩雲間落日空嘆息

寥陽院

卽龍  
陽宮

李 瑛

高閣依深谷登臨興偶同雲荒處土宅艸沒寥陽宮遠嶂

含烟紫落霞蹴浪 許多年少 結社夕陽中

苦熱行

豐山 張象魏 丹瞻

閏年初過五月五人畏陽烏爭畏 東南烈烈火風發密  
雲西郊總不雨圖扇頻搖折右肱袒褐還思卧寒冰碧霄  
萬里無飛鳥海底龍藏不敢升慚予為政多失德步禱龍  
神百事責滿城金鼓闹喧填我心如焚神耳塞風臺雪檻  
以避諸委巷蓬門更何如雖得麥秋大有書黎民薰炙恐  
糜餘猛然思與民更始鑿井穿渠雲根抵涓涓細流不足  
恃晝夜桔槔徒為爾安能力挽天河水炎蒸散盡田禾起  
一向熱腸消乃已

三原縣志

卷之二十二

藝文

二十八

龍橋

張象魏

長虹貫兩城地缺天空補擊轂驚雷霆扶欄任風雨朝日  
鱗光起夜月明珠吐温公與高公屹立并千古

嵯峨山

張象魏

鹿原之北望屏障碧芙蓉圈没秦非去門開古帝逢清池  
常浴日霧雨數騰龍欲振新衣者次 第一峰

讀李衛公遺碑

張象魏

英雄慧眼果如神早 虬髯識異人馬邑何次丞上變悞  
將身殉楚商臣

此座終當屬與卿楊公無力可携擎故教 拂酬奇士耄

眼寧真失女英

殿直何緣攀睡鱗  
蕪城螢火洛城燐  
太平也有龍門策  
不獻君王獻嶽神

兵泐淵源本渭陽  
天誅蕭輔有膏肓  
乘机且背陰山約  
那肯迂迴學宋襄

力疾求輸尺寸功  
豈忘殷鑒在征東  
忍看魏相碑猶仆  
且效雄鞍矍鑠翁

甌生私憾有危波  
爭奈勲高不賞何  
賴得良明魚際水  
韓彭終古保山河

經王端毅公故里

張象魏

三原縣志

卷之二十二

藝文

二十九

兩京名重老尚書  
天使駢繁問石渠  
槐植南邦陰德厚  
棘翻北寺枉刑除  
直隳閹黨橫行日  
為齟齬引退餘  
官潞國壽康溫國望  
祇今檠戟認高閭

長孫里懷古

張象魏

凌烟高閣事依稀  
元舅於今有故扉  
賜沐功名銘帶礪  
歸寧哲后澣裳衣  
美人豈效山畱苧  
毫跡何須石蓋緋  
千古忠貞原不朽  
纒莘况是倪天妃

過三原北郊

城固

王燕龍

學博

地勢平如掌一灣水  
屈盤板橋通竹徑  
古木護霜灘井里  
棊星布炊煙嶺岫寒  
却疑深秀處鳴鶴有飛翰

三原學署雜詠

王燕龍

僻地偏多趣微官自易閒簾因晴日捲苔以曉霜斑巢鵲  
尋枝去童得酒還物意兼人意俱在淡忘間

幽齋無一事覽鏡識衰顏歲月催人老琴尊任我閒菱花

搖遠水霜彩過叢山浩蕩乾坤外何防兩鬢班

鏡覽

穆穆金波冷肅空萬里明應憐孤夜永故傍素琴清散影

池雲幌寒光樹影橫依依相伴久烏鵲不須驚

月冬

十月寒霜重安眠一老翁紛紛黃葉下肅肅碧天空欹枕

人初覺 意日已經我生隨造化心事付冥鴻

起晚

空庭殘雪映孤坐一爐親飲酒寧辭醉看書怯損神折梅

三原縣志

卷之二十二

藝文

三十

欣破臘剪裁欲還春待得風光好狂歌興又新

爐擁

賦得慈峩雲

劉紹放 九畹

杏子黃兮麥岐望青天兮雨何時之來兮以雲未觸雨石  
兮望徒殷安得輪囷兮以慰我民峩之巔兮清之涘綠樹  
青蔥兮河流有泚鬱靈窿兮鬣鬣翠巘氤氳兮卷舒岷嶽  
驅旱魃兮遯逃倏淅瀝兮瀟瀟高無苦亢兮下無瀦菑畬  
優渥兮覃潤嘉蔬功比泰岱兮億我庾作鎮此邦兮作霖  
千古

學古書院三君子詠

劉紹放

王端毅公

元末踵秦弊禁學薄章逢呂涇野志馬雪巖墓碑云元亂

學書其王母懼儒林慚衲子鳩居絃誦宮改書院為卓哉

王端毅往來切怨恫黜邪以崇正旋轉藉婁公按察使婁

縣撤廟復書院俎豆儼昭格詩書貴養蒙週迴眇梁宇誰知再造

功

### 巡按傅公

昔者魯恭王嘗壞孔子宅中明稱借材遺宮遭蕩析萬曆

建貢院徙書院薪木名曰借材砥柱汝南公傅公名振薪傳嗣道脉一枝

支傾厦輪奐炳晷籍如聞絲竹音魯國存孔壁如不毀鄉

校永懷鄭僑跡傅公重修之而得延至今

### 三原縣志 卷之二十二 藝文

三十一

### 邑侯月瞻張公

適館湏授餐二公尚闕如王傳二公雖復夏屋嘆仰屋不

但食無餘彈鋏四百年自元至今矣一朝快噬膚公倡置膏

業有立雪寧嚙雪食魚異蠹魚化被絃歌宰穀貽君子儒

三賢宜報祀千秋作令模楊椒山先生創狄道書院置田

先生於中堂

### 峪口山房雨集

劉紹放

微風吹萬壑細雨濕春疇麥浪新如沐柳陰翠欲流半椒

烟村樹一徑野雲稠杖策尋歸路馬蹄逐碧楸

楊杜村

劉紹放

見聞皆足紀遠近亦成觀鳥影秋塘淨嶺雲早雨寒釣竿  
懸白小籬落挂黃圃昨夜霜華重前林萬木丹  
終年不入市野老愛郊居驟雨山花重新犁土脉虛布袍  
鄉俗古豆粥力耕餘一稅了無事欣欣樂太初

毛坊里

劉紹放

楊村雖已遠風色固無違日午松陰合春深豆莢肥碾渦  
紛上下草屋積芳菲借問蹇路蒼茫入翠微

至蹇義  
山十里

過焦村

劉紹放

雲林攢一處近郭屋參差秉穗村間滿瓜壺舍上垂馴雛  
隨饁女羸馬齧枯萁俗厚欣看客殷勤供野炊

三原縣志

卷之二十二

藝文

三十二

讀明史王端毅公傳

劉紹放

史臣揚厲豈為虛名壓兩京一石渠力致太平二十載手  
陳時政三千疏天人久攝中官胆瓊空成補鳥義書南國中  
丞今俎豆左周右海共端居

西園遺址懷端毅公

劉紹放

補袞功高引退時牡丹幽菊總相宜

西園自記愛  
菊亦愛牡丹

美人一

去榛苓老芳艸春深設古碑

梅花題句廣平間

吉祥寺裡梅千樹之句王  
阮亭比之廣平梅花賦

綠野堂深歲

月閒此日西風吹馬鬣

今為  
墓田

百年泉石重東山

捐梓姓氏

山東布政使司布政使

梁翥鴻

原任平樂府知府

李演

道銜

胡瑛

監生

張淇

候銓州同

李郁

捐貢

王楠

監生

崔世祥

候銓知縣

員家駒

捐貢

張希賢

三原縣志

卷之二十一

姓氏

三十三

道銜

張世雄

候銓州同

張寶善

蒙化府經歷

馬昌業

監生

武恂

監生

張繼善

監生

劉源裕

候銓經歷

張世純